



UNIVERSITÄTS-
BIBLIOTHEK
PADERBORN

Regvlæ Societatis Iesv

Angeli, Bernardo d'

Romæ, 1616

Formula scribendi.

[urn:nbn:de:hbz:466:1-68329](https://nbn-resolving.org/urn:nbn:de:hbz:466:1-68329)



FORMVLA

SCRIBENDI.



P. 8. c. 1. §. 9.
Causa ad Su-
periores scri-
bendi.



1 Agnoscere iuuerit ad animo-
rum vnionem in Societate,
literarum vltro citroque
missarum inter inferiores, &
Superiores frequens cōmer-
cium; & crebro alios de alijs
certiores fieri, & audire, quæ ex varijs locis
ad ædificationem, & eorum quæ geruntur co-
gnitionem, afferuntur.

Ad Prouin-
cialem qui, &
quando scri-
bent.

2 Superiores Domorum, & Rectores scri-
bant singulis hebdomadis ad suum Prouin-
cialem in Europa: in Indijs vero, vt suis Pro-
uincialibus visum fuerit commodum, & op-
portunum.

P. 8. c. 1. lit. L.
& Can. 28.
Cong. 2.
De quibus
scribendum.

3 Scribant autem ad suum Prouincialem
de statu personarum, & rerum omnium, non
solum quæ inter nostros, sed etiam quæ per
mini-

ministeria Societatis erga externos in Domibus suis, vel Collegijs fiunt; & non tantum de his, quæ recte se habent, sed etiam de his, quæ secus; & quoad fieri poterit, curent, vt omnia tanquam præsentia Prouincialis cernat.

4. Primo quoque tempore ad suum Prouincialem scribant Superiores Domorum, & Rectores de obitu eorum, qui in suis locis decedunt: Prouincialis vero reliquos de sua Prouincia admonebit, vt quam primum solitis suffragijs, & orationibus eorum animæ iuuentur: & statim Præpositum Generalem, & vicinos Prouinciales certiores reddat, vt simile officium præstare possint.

5. Missi ad fructificandum in agro Domini, scribant ad suum Prouincialem, aut ad eum, quem ille designauerit, singulis hebdomadis, vel quoties ipsis fuerit præscriptum, vt per crebram literarum communicationem, quantum fieri potest, totum successum suarum missionum illi declarent.

6. Prouinciales Superioribus Domorum, & Rectoribus, ac ijs, qui in missionibus versantur, singulis mensibus; priuatis autem personis, quibus, & quando opus erit scribant.

7. Prouinciales omnium Prouinciarum Europæ scribant ad Generalem semel quolibet mense: Rectores autem, & Superiores

P.6.c.4.§.4.

Ad quos de obitu nostrorum, & suffragijs scribendū

Can. II. Cōgreg. 3.

Ex missionibus scribent.

P.8.c.1.lit.L. & Can. 28. Cong. 2.

P.7.6.2.§.2.

Prouincialis quando, & ad quos scribet.

P.8.c.1.lit.L. & Can. 28. Cong. 2.

P.8.c.1.lit.L. & Can. 28. Cong. 2.

Quando Su-

per. in Euro-
pa ad Gene-
ralem .

Can. 28. Cō-
greg. 2.

Quando ex
Indijs scribēt.

P. 8. c. 1. lit. L.

& Can. 28.

Cong. 2.

Quando ex-
traordin. scrib.

Et quid ad
Generale scri-
bent .

Prouinciales
ad Generale
quid scribent.

Domorum , & Magistri Nouitiorum tertio
quoque mense .

8 Prouinciales Indiarum scribant Præpo-
sito Generali, quando se obtulerit nauigatio-
nis commoditas ; Rectores vero , & Superio-
res Domorum , ac Magistri Nouitiorum ex
Indijs semel; ex Brasilia, & noua Hispania bis
in anno , si se obtulerit occasio .

9 Prædicti omnes extraordinarie sibi mu-
tuo scribant quoties necessitas vrgebit .

10 Superiores Domorum , & Collegio-
rum, & Magistri Nouitiorum scribant ad Ge-
neralem, quæ alicuius momēti fuerint, etiam si
approbante Prouinciali fiant. Illa vero potif-
simum scribant , in quibus Prouincialis ad-
monitus, vel non prouidet, vel prouidere ne-
quit; vel postquam Prouincialis cum illis tra-
ctauerit, ipsi ab eius iudicio dissentiant : sed
tunc quidem addant, quid Prouincialis re-
sponderit, & quibus rationibus ipsi ab eo
dissentiant, interim tamen ei per omnia obe-
diant .

11 Cum Prouinciales scribent Generali,
curabunt vt statum Domorum , & Collegio-
rum suorum, ac totius Prouinciæ bene expli-
cent ; & suppleant si quid intellexerint, quod
Superiores Domorum , & Collegiorum mi-
nus declarauerint: & in vniuersum ita scribe-
re debent, vt Generalis omnium rerum, om-
niumque personarum, ac Prouinciarum sta-
tum

tum, quoad eius fieri possit, ante oculos habeat.

12 Generalis ad Prouinciales scribet secundo quoque mense, ad Rectores vero, & Præpositos locales sexto quoque mense, nisi aliqua necessitas prius ad respondendum suadeat.

Generalis quando ad Superiores. Can. 28. Cōgreg. 2.

13 Si quis nostrorum aliquid per literas cum Præposito Generali, aut cum suo aliquo alio mediato Superiore tractare velit, ne impediatur, nec ipsorum literæ ad eos scriptæ aperiuntur, neque mediatorum Superiorum ad ipsos.

Subditorum literæ ne aperiuntur, nec impediuntur.

14 Literæ nostrorum, quæ negotia continent, solum ad Præpositum Generalem, & non ad alios, qui cum ipso agant, destinantur: poterit tamen ad eos scribi, ut illa tractari, & expediri curent.

Literæ negotiorum ad Generalem mittendæ.

15 Literæ negotiorum, ad quorum expeditionem Procuratoris Generalis opera, aut informatione opus erit, proprijs literis ad Præpositum Generalem scribantur, adiecta exterius litera P. sub inscriptione earum.

Quæ Proc. gen. opera indigent P. notentur.

16 Negotia maioris momenti, ex utraque India, & Brasilia ternis exemplis scribantur, binis autem ex reliquis Prouincijs, si sit periculum, ne literæ interciant, vel certe in proximis literis earum summa repetatur: & ut inueniantur, cum opus fuerit, quæ scripta sunt ad Generalem, exemplum eiusmodi lite-

Quot exempla ex Indijs mittantur.

rarum, vel earum summam in libro aliquo, qui scribunt, apud se retineant.

Siquid secreti, quomodo, adiecto (foli) scribendum.

17 Si quid secreti scribendum, vel soli Superiori committendum sit, seorsum in propria epistola scribatur, quæ cum alijs in eodem fasciculo colligata includatur, adiecto exterius (foli) sub inscriptione eiusdem epistolæ: quod si eiusmodi epistola sola mitteretur, alia charta inuoluatur, quæ absque (foli) inscriptionem habeat.

Vt res secreta scribenda.

18 In rebus, quæ secretum requirunt explicandis, his vocabulis vtendum erit, vt ea intelligi nisi à Superiore non possint: modum autem præscribet Generalis.

Quando ad Superiore ex commissione scribi possit.

19 Nullus inferior, nisi morbo impeditus, literas ad Superiorem ex sua commissione scribi faciat.

Consultores quoties ad Superiores scribent.

20 Consultores Rectorum, & Superiorum localium literas obsignatas ad Prouincialem dabunt bis in anno, mense Ianuario, & Iulio; & ad Generalem singulis annis mense Ianuario. Consultores vero Prouincialium ad Generalem mense Ianuario & Iulio, nisi res aliqua ita vrgeret, vt de illa, etiam extra hæc tempora scribendum iudicarent.

Quæ, & quomodo scribenda à consultoribus.

21 Ijs literis syncere, & sine amplificatione, omnique priuato, aut humano respectu semoto, significabunt, quid sibi de Superioribus, quorum sunt Consultores, & de eorum administratione, ac rerum statu, scri-

scribendum in Domino videatur, oratione tamen præmissa, & re prius diligenter considerata.

22 Vt Rector Vniuersitatis de omnibus Præceptoribus, & alijs de Societate, ita etiam Cancellarius & Consiliarij Vniuersitatis de ipso, ac alijs scribent semel singulis annis mense Ianuario Præposito Generali, & bis in anno mense Ianuario, & Iulio Prouinciali.

P.4.c.17.§.7
Rector vniuersitatis, & Cancellarius quid, & quando scribent.

23 Huiusmodi literæ Consultorum & horum Officialium Vniuersitatis mittantur ob signatæ, nec quisquam eorum sciat, quid aliud scripserit.

P.4.c.17.lit.L
Eorum lit.ob signatæ mittantur.

24 Quibus Præpositus, & Rector habeat librum, in quo scribantur Visitationes Doctorum, vel Collegij à Generali approbatæ; in quo etiam scribantur ordinationes aliæ alicuius momenti, quæ à Generali mittuntur: & quæ perpetuæ fuerint, ab ijs quæ temporariæ sunt, separatim notentur: alia vero quæ Visitator, & Prouincialis præscripserint, in alio libro scribantur.

Visitationum, & ordinationum libri.

25 Si quid scribendum esset de rebus, quæ externorum aliquem attingerent, ita scribatur, vt etiam si literæ in eius manus inciderint, offendi non possit.

De rebus externorum quæ modo scribentur.

De literis annuis.

P. 8. c. 1. lit. M 26 **S**uperiores Domorum, atque Rectores
& decret. 73. curent ea obseruari, quæ in dies in eo-
ac Can. 28. rum Domibus, Collegijsque per nostros Do-
Cong. 2. minus operari dignatur; quæque ad nostros
Res ædifica- rum consolationem, ac proximorum ædifica-
tionis noten- tionem pertinent: ex quibus seligant optima
tur. quæque, atque in ordinem redacta, sub finem
cuiusque anni ad suum Prouincialem mit-
tant. Hanc ad rem designetur aliquis in quo-
libet Collegio, seu Domo, maturus ac dili-
gens rerum notabilium inuestigator; qui &
ipse in dies quæ occurrunt scripto excipiat,
& tertio quoque mense singulos commonefa-
ciat, ac præcipue Præfectos Ecclesiæ, schola-
rum, rerum spiritualium, Congregationum,
& alios huiusmodi, vt cogitent, & si quid di-
gnū annuis illo trimestri obseruarint, ad Re-
ctorem primo quoque tempore deferant ma-
nu sua subscriptum.

Annuz literæ 27 Prouinciales ex omnibus Superiorum
quomodo Ro localium, atque Rectorum suæ Prouinciæ, &
mam mitten- eorum, qui in Missionibus versantur, episto-
dæ. lis (reiectis vel additis ijs, quæ videbuntur)
singulis annis mense Ianuario, rerum gesta-
rum capita latine collata, ex quibus deinde
vnæ literæ annales Romæ conficiantur, ma-
nu ipsorum subscripta Romam ad Genera-
lem

lem destinant. Cauendum autem ante omnia diligenter, vt quæ ad confessionis sacramentum spectant, nulla ratione in his capitibus attingantur; omittanturque similiter, quæ alia quauis ratione secretum postulant, & ex quorum narratione iure offendi quisquam possit. Omnium porro, quæ vel à Superioribus locorum ad Prouincialem, vel à Prouinciali Romam mittuntur, exempla, horum quidem in Prouincia, illorum vero in singulis domicilijs seruanda sunt, donec Annuæ integræ in lucem prodierint.

28 In ea compendiaria narratione hic ordo seruabitur. Recensebunt initio numerum nostrorum in vniuersum, tum etiam singulis Domibus, Collegijs, & Missionibus nominatis, quot sint in ijs Sacerdotes, Præceptores, Scholastici, & Coadiutores temporales, seorsim de singulis ac distinctè: ita vt si qui forte inter Præceptores ac Scholasticos sint Sacerdotes, hoc ipsum significant, ne numeri confundantur, aut ijdem bis recenseantur. Itemque quot admissi sint eo anno in Societatem, quotque è vita decesserint. Mortuorum autem non solum nomen, cognomen, patriam, ætatem, statum, & munera in Societate obita perscribi oportebit; verum etiam virtutes, si quas habuerunt eximias, commemorari: in primis vero, si quid ab eis profectum est laude præcipua dignum, quod singularis

ali -

Ordo seruandus in eis conscribendis.

alicuius facti narratione confirmari possit. Neque deinde necesse erit ad singula Collegia aut loca redire, nisi aliquid in ijs contigerit peculiari narratione dignum.

P. 8. c. 1. lit. M
De profectu
nostrorum, &
ministerijs.

29 Agent primo de profectu nostrorum in Domino, & explicabunt, si quid in eo genere ædificationem facere possit; ut si profectus in virtute aliqua particulari fuerit eximius, aut si ponatur nouum aliquod, & præclarum medium ad eam consequendam adhibitum. Viuentium etiam illa promulgari poterunt, quæ in ingressu contigerunt, & non fuerint propria vnius. Deinde de ministerijs Societatis erga proximos, ut de concionibus, lectionibus sacris, doctrina Christiana, & Exercitijs spiritualibus, visitatione carcerum & hospitalium, reconciliatione dissidentium, de pœnitentium frequentia, & de alijs nostri instituti pijs operibus; ita tamen ut ea tantum commemorentur, quæ sunt alicuius momenti, non leuia quæcunque, & minuta; vel quæ licet alicuius sint momenti, communia tamen sunt & quotidiana, ut quæ perpetuo fieri solent: quæ ideo cum ordinaria sint, satis erit nisi insigne aliquid habeant, breuiter perstringere. Item de Scholis, & discipulorum numero, & profectu, præsertim in Vniuersitatibus & Collegiis maioribus, de bona item Societatis existimatione: de contradictionibus autem, & persecutionibus, si quæ fuerint, ea

tan-

tantum attingant, quæ ædificationi fore videbuntur. Dicent etiam de piorum erga nostros caritate, & eleemosynis paulo insignioribus. Non ponantur aliena, aut nobis valde leuiter annexa; sed vere nostra. Nostra enim non sunt, quæcunque nostri amici, deuoti, fundatoresve gesserint. Quod si hæc etiam ad nostra pertinere iudicentur, indicanda est causa, & connexio, vt referri in annuas possint. Si quando autem, quod per raro accidet, aliquid erit tam grande, tamque illustre, vt à nobis licet remotum, per nos tamen ab obliuione vindicari conueniat, tum adhibenda præmunitio erit, ne inconsulto factum videatur.

30. Hæc omnia exponent, quam plenissime fieri poterit (semper tamen vitata nimia prolixitate) adhibitis omnibus circumstantiis, etiam nominibus eorum, qui eas res gesserunt, vt si opus fuerit, aliquando conscribi possit historia. Qua etiam de causa cum aliquid occurreret dignum memoria, quod tamen propter aliquam causam non expediat omnibus vulgari, id scribent separatim integre, & perfecte: in illa autem communi narratione, vel omnino reticebunt, vel ea tantum excerpent, quæ ædificationi esse possunt. Et quæ ad externos pertinent, ita narrentur, vt in ea ipsa domo, aut ciuitate, vbi scribuntur, ac vbique publice legi citra cuiusquam offen-

Circumstantiæ
in scribendis.

offensionem possint. Vitentur denique exaggerationes rerum, amplificationesque verborum: ut simplex, & religiosa veritas in omnibus eluceat. & pro miraculis non ponantur, quæ miracula non sint; nec incerta, quæque diligenti adhibita inquisitione comperta non sint.

Statim legantur.

31 Cum literæ annuæ Romæ confectæ ad Prouincias mittentur, legantur quamprimū in singulis Domibus & Collegiis. Et ut Coadiutores nostri temporales ex latinis etiam literis fructum aliquem percipiant, sit aliquis, qui illarum summam, aut interpretationem aliquo modo explicet: neque ultra duas hebdomadas retineri debent, ut ad reliqua loca citius deferantur. Postquam vero ubique perlectæ fuerint, in præcipua Domo, vel Collegio eiusdem Prouinciæ afferuentur, & simul consuuantur.

Coadiutoribus explicentur.

In præcipua Domo, vel Collegio afferuentur.

De Catalogis & Informationibus annuis.

P. 8. c. 1. lit. N
& p. 9. c. 6. §.
3. & Can 28.
Cong. 2.
Catalogi quo
modo, & quā
do conficien-
di.
Quid in pri-
mo.

32 **A**D clariorem omnium nostrorum cognitionem, Superiores Domorum, & Collegiorum duos catalogos conficiant ante id temporis, quo Procuratores Prouinciarum ad Generalem veniunt, ita exacte, ac si nunquam missi fuissent. In primo describantur omnes, qui in suis Domibus, vel Collegiis, ac missionibus sunt, in quo contineantur

tur vniuscuiusque nomen, cognomen, patria, ætas, vires, tempus Societatis; studiorum, & ministeriorum, quæ exercuit; & gradus in literis, si quos habet, & an Professus, vel Coadiutor sit, &c. & à quo tempore.

33 In secundo catalogo dotes, & qualitates vniuscuiusque describantur, videlicet, ingenium, iudicium, prudentia, experientia rerum, profectus in literis, naturalis complexio, & ad quæ Societatis ministeria talentum habeat: quæ omnia diligenter, re Deo prius commendata, & mature considerata, & omni priuato affectu semoto, syncere, & breuiter perstringenda erunt. & vtrumque catalogum ad suum Prouincialem mittant.

Quid in secundo.

34 Sub finem cuiusque anni interiecti, tertium etiam alium breuem catalogum ad Prouincialem mittant, continentem nomina, & ministeria, in quibus vnusquisque nostrorum occupatur. mittant etiam supplementum primi, & secundi catalogi, in quo ea tantum adnotabunt, quæ eo anno de nouo occurrerint addenda; vt qui in Societatem interim fuerint admissi, aut ab ea defuerint, vel quod mortui sint, vel alia quouis causa.

Quid in tertio.

35 Hunc tertium catalogum, & supplementum primi & secundi catalogi totius Prouinciæ, cum narratione pro annuis literis,

Quando Romam mittentur.

ris,

176 FORM. SCRIBENDI :

ris, de qua dictum est, ad Generalem mit-
tet. Prouincialis mense Ianuario: primum
vero, & secundum per Procuratorem Pro-
uinciae, ad eundem sigillo suo obsigna-
tos perferendos curabit. Quod si

quid ipsi in his catalogis, &

informationibus no-

tandum, adden-


dumue

vi-

deretur, id seorsum

ad Generalem

scribat.



RE-